

MEMORIA EXPLICATIVA

CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE E A PLATAFORMA DE ORGANIZACIÓNS DE INFANCIA DE GALICIA PARA O DESENVOLVEMENTO DE ACTUACIÓNS ENCAMIÑADAS Á PROTECCIÓN E PROMOCIÓN DOS DEREITOS DA INFANCIA NO ANO 2023.

O Estatuto de Autonomía de Galicia no seu artigo 27.23 atribúelle á Comunidade Autónoma a competencia exclusiva en materia de asistencia social.

A Consellería de Política Social e Xuventude é o órgano da Administración autonómica ó que lle corresponde, entre outras, o exercicio das competencias e funcións en materia de infancia e menores, de acordo co establecido no Estatuto de Autonomía de Galicia e nos termos sinalados pola Constitución española.

A Consellería de Política Social e Xuventude, a través da dirección xeral competente en materia de familia, infancia e dinamización demográfica, ten asumido entre as súas competencias, segundo o artigo 14.1.b) do Decreto 124/2022, do 23 de xuño, polo que se establece a estrutura orgánica da Consellería de Política Social e Xuventude, a protección e a tutela das persoas menores en situación de risco ou desamparo nos termos establecidos no Código Civil, na Lei Orgánica 1/1996, do 15 de xaneiro, de protección xurídica do/da menor, de modificación parcial do Código Civil e da Lei de Axuízamento Civil e no ámbito da Comunidade Autónoma de Galicia a Lei 3/2011, do 30 de xuño, de apoio á familia e á convivencia de Galicia, o Decreto 42/2000 do 4 de xaneiro, polo que se refunde a normativa reguladora vixente en materia de familia, infancia e adolescencia, modificado polo Decreto 406/2003, do 29 de outubro, na Lei Orgánica 8/2015, de 22 de xullo de modificación do sistema de protección á infancia e adolescencia e a Lei 26/2015, de 28 de xullo de modificación do sistema de protección á infancia e á adolescencia.

A Xunta de Galicia, a través da Consellería de Política Social e Xuventude, e a Plataforma de Organizacóns de Infancia de Galicia, comprometida institucionalmente coa infancia, son conscientes da especial vulnerabilidade das persoas menores dada a súa inmadurez física e mental, e da necesidade de manter actuacións tendentes á protección e promoción dos dereitos da infancia, recollidos na Convención sobre os Dereitos do Neno, do 20 de novembro de 1989. Para ambas partes é obxectivo prioritario, a consecución do benestar das persoas menores e consideran imprescindible a colaboración entre diferentes institucións públicas e privadas para lograr un servizo máis eficaz na atención deste colectivo.

A Plataforma de Organizacóns de Infancia de Galicia, que figura inscrita no Rexistro Central de Asociacións de Galicia co número 2018/022401, é unha Asociación de persoas xurídicas sen ánimo de lucro con personalidade xurídica propia, autónoma da das súas entidades



asociadas, e plena capacidade de obrar, que actúa no territorio galego, sen prexuízo de realizar actuacións estatais e internacionais a favor do bo trato á infancia e á adolescencia en Galicia. Está enmarcada no marco xeral de acción da Plataforma da Infancia Estatal, nada no ano 1997, coa misión de axuntar esforzos entre as entidades sociais para protexer, promover e defender os dereitos dos nenos, nenas e adolescentes conforme á Convención sobre os Dereitos do Neno de Nacións Unidas.

A Plataforma de Organizacións de Infancia de Galicia pretende ser a voz en espazos participativos das organizacións que traballan polos dereitos dos nenos, nenas e adolescentes, de modo que esta unidade facilite a participación, decisións e realización de acordos ou accións relacionadas co benestar da infancia.

O obxectivo xeral da Plataforma de Organizacións de Infancia de Galicia é a protección e promoción dos Dereitos da Infancia recollidos na Convención sobre os dereitos do Neno do 20 de novembro de 1989, e ten como fins específicos:

- Impulsar as políticas xerais e sectoriais que estean dirixidas a incrementar o benestar da infancia, en especial de aqueles nenos e nenas en situacións de risco individual ou social.
- Denunciar e facer un seguimento de todas as situacións de vulneración dos dereitos da infancia por parte das Institucións Públicas, do sector privado, dos particulares, dos medios de comunicación social, e ou da opinión pública.
- Sensibilizar á sociedade para o coñecemento e o respecto dos dereitos da infancia.
- Desenvolver o diálogo, a colaboración e a participación en todos aqueles organismos públicos e privados que teñen ou poidan ter influencia no benestar da infancia e na aplicación dos dereitos da infancia.
- Promover a participación e o asociacionismo da infancia de todas aquelas organizacións comprometidas na aplicación dos dereitos da infancia e na calidade de vida dos nenos e nenas.
- Facilitar o diálogo entre organizacións de infancia de Galicia, xerando presenza, opinión e participación das organizacións de infancia na realidade social, e situando á infancia como suxeito activo de dereitos segundo a Convención sobre os Dereitos do Neno.
- Coñecer a realidade da infancia na comunidade galega.
- Favorecer a coordinación entre asociacións que traballan por, para, e coa infancia.
- Formar parte desde Galicia na Plataforma de Organizaciones de Infancia de España, así como en calquera outro organismo que desenvolva un traballo acorde con estes obxectivos e dos que poida formar parte na súa calidade de entidade privada representativa do sector.

De acordo co artigo 2.1.c) da Lei 9/2007, do 13 de xuño, de subvencións de Galicia, o proxecto



financiado ten por obxecto o fomento e desenvolvemento dunha actividade de interese social. Ademais, o artigo 19.4.c) da mesma lei establece que, poderán concederse, con carácter excepcional e de forma directa, entre outras, as subvencións nas que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria pública. Así mesmo, o artigo 31.2 -en relación co artigo 55- da Lei 13/2008, do 3 de decembro, de servizos sociais de Galicia habilita, por razóns de interese público e debidamente xustificadas, a subscripción de convenios singulares con entidades de iniciativa social debidamente autorizadas para a prestación de servizos sociais cando por razóns humanitarias ou de emerxencia social ou ben cando pola singularidade das características da entidade, a especificidade dos servizos que presta ou a especial vulnerabilidade das persoas usuarios, non sexa posible ou conveniente promover a concorrencia pública, como é o caso.

Dacordo con establecido no convenio as actuacións a desenvolver pola Plataforma de Organizacións de Infancia de Galicia serán as indicadas na súa cláusula cuarta.

O anexo II relaciona estas actuacións e a finalidade perseguida co seu desenvolvemento.

A execución material do programa que se desenvolve no clausulado deste convenio materialízase mediante a sinatura dun convenio de colaboración coa Plataforma de Organizacións de Infancia de Galicia a cal, está especializada no ámbito da infancia e a adolescencia, e ven colaborando coa Xunta de Galicia no desenvolvemento de programas que promoven:

- A protección e promoción na Comunidade Autónoma de Galicia dos Dereitos da Infancia, recollidos na Convención sobre os Dereitos do Neno, do 20 de novembro de 1989, ratificada polo Parlamento Español.
- A promoción da participación dos nenos e nenas de Galicia en todos os ámbitos da sociedade e de xeito especial no deseño e toma de decisión das medias que inciden directamente na súa calidade de vida e no respecto dos seus dereitos.
- Fortalecer as estruturas democráticas e da sociedade civil galega mediante o apoio, a creación e consolidación de coordinadoras ou redes de traballo a prol da infancia.

Datos económicos

O convenio de colaboración gozará de vixencia dende a data da súa sinatura e ata o 31 de decembro de 2023. Non obstante abranguerá as accións obxecto deste convenio que se realicen pola entidade desde o 1 de xaneiro de 2023.

Para o cumprimento da finalidade descrita na cláusula primeira deste convenio a Consellería de Política Social e Xuventude aportará a contía de vinte mil euros (20.000,00 €), que serán



imputados á aplicación orzamentaria 13.02.312B.481.0 dos orzamentos xerais da Comunidade Autónoma de Galicia para o ano 2023.

Para os efectos económicos deste convenio tramitouse unha retención de crédito polo importe indicado.

A sinatura deste convenio NON require de autorización previa do Consello da Xunta.

Santiago de Compostela, *(na data da sinatura dixital)*

O director xeral de Familia, Infancia e Dinamización Demográfica

Jacobo José Rey Sastre

